

Cyngor Sir Penfro

Canllawiau Dylunio Diwylliant Caffi



Bydd y Cyngor yn ystyried ceisiadau gan gaffis, bwytai a bariau ar gyfer cymorth grant yng Nghanol Trefi Sir Benfro (cyfeiriwch at y Cynlluniau Trefi atodedig) i ddarparu cysgodlenni awyr agored, canopïau, swigod iglw, gwresogyddion awyr agored, pebyll mawr, rhwystrau, dodrefn stryd a chyfleusterau arlwyo.



Dodrefn Stryd

Rhaid i fyrddau, cadeiriau a dodrefn stryd dros dro fod yn addas at ddibenion masnachol. Ni chaiff dyluniad na chynllun lliw safonol ei orfodi, ond bydd y Cyngor yn mynnu bod busnesau'n defnyddio dodrefn o ansawdd rhesymol ac yn disgwyl i'r arddull gydweddu â'r amgylchedd lleol.

Ni ddylai deunyddiau na lliwiau fod yn rhy lachar nac yn rhy adlewyrchol, ac mewn rhai ardaloedd gellir ystyried amodau pellach fel deunydd neu liw'r dodrefn, yn enwedig mewn mannau o ddiddordeb arbennig neu ardaloedd cadwraeth lleol.

Ni fydd dodrefn patio plastig domestig yn dderbyniol.

Felly, rhaid i ddodrefn fod yn ddiogel ac yn addas at ddefnydd masnachol. Rhaid iddynt gael eu cynnal yn briodol a'u cadw'n lân, a dylid prynu rhai newydd yn ôl yr angen. Ni ddylid defnyddio dodrefn cymysg. Ni ddylai dodrefn achosi difrod i arwyneb y briffordd gyhoeddus ac ni ddylent wneud sŵn afresymol wrth gael eu symud, yn enwedig gyda'r nos, a dylid ystyried defnyddio dodrefn â thraed rwyber.

Ymbarelau/Parasolau

Rhaid nodi lleoliad, lliw a deunydd ymbarelau. Rhaid iddynt gael eu gosod fel nad ydynt yn ymestyn y tu hwnt i'r safle amgaeedig, a dylid rhoi pwysau arnynt er mwyn eu hatal rhag symud yn y gwynt. Dim ond enw neu logo'r cwmni a ddylai fod ar yr ymbarelau – ni ddylai'r llythrennau fod yn rhy amlwg ac ni ddylent fod yn fwy na tua 450mm x 150mm.

Mewn ardaloedd masnachu caffis stryd cymunedol, dylai pob busnes ddewis deunydd lliw gwahanol er mwyn galluogi'r cwsmer i nodi ardal eistedd busnes deiliad y drwydded.

Pŵer Trydanol / Gwresogyddion Patio

Ni chaniateir defnyddio generaduron, ac ni chaniateir i geblau pweru groesi'r briffordd gyhoeddus.

Lle bo gwresogyddion patio wedi'u hawdurdodi, rhaid i ddeiliad y Drwydded sicrhau nad ydynt yn peri risg i'r cyhoedd na risg o dân, rhaid i'r holl elfennau a gwifrau trydanol gydymffurfio â rheoliadau cyfredol Sefydliad y Peirianwyr Trydanol a'r rheoliadau lechyd a Diogelwch cyfredol, a rhaid iddynt gael eu profi'n flynyddol er mwyn sicrhau cydymffurfiaeth. Bydd y Cyngor yn gofyn am dystysgrifau prawf blynyddol ar gyfer yr holl gyfarpar a ddefnyddir ar safle trwyddedig.

Safle Amgaeedig

Pan fydd caffi stryd neu ardal bar yn weithredol, bydd angen rhyw fath o safle amgaeedig dros dro fel arfer, gydag agoriadau digonol er mwyn galluogi mynediad. Bydd rheilen isel yn ofyniad angenrheidiol. Nid ystyrir bod rhaff na rhwystrau cadwyn yn addas. Dylai rheilen uchaf safleoedd amgaeedig fod yn 800mm o leiaf mewn uchder, ac ni ddylai fod yn uwch na 1000mm.

Storio

Yn ddelfrydol, dylid storio dodrefn caffi ac eitemau eraill ar ben ei gilydd neu eu plygu, ac ni ddylid eu storio ar y briffordd gyhoeddus pan na fyddant yn cael eu defnyddio, e.e. yn ystod tywydd garw, neu y tu allan i oriau busnes. Rhaid i'r holl ddodrefn, ymbarelau a safleoedd amgaeedig ac ati gael eu rhoi o'r neilltu dros nos a'u storio dan do ar safle'r busnes, neu mewn amgylchedd diogel amgen y cytunwyd arno â'r Cyngor.

Arferion Da a Drwg – Enghreifftiau



Parasol Masnachol gyda Gwresogyddion Halogen Isgoch Cwarts



Dodrefn Cyson / Metal a Gwiair / y Gellir eu Gosod ar Ben ei Gilydd



Cadeiriau ac Arwynebau Bwrdd Plastig wedi'u "Brandio"



Lliwiau Llachar Anghyson / Dodrefn Na Ellir eu Gosod ar Ben ei Gilydd




Parasolau Ysgafn



Cadeiriau a Byrddau Pren y Gellir eu Plygu

Ardaloedd Cymwys – Cynlluniau Trefi

HAVERFORDWEST



PEMBROKE



PEMBROKE DOCK




MILFORD HAVEN




TENBY



SAUNDERSFOOT



NARBERTH



ST DAVIDS



FISHGUARD




Legend
 Town Centre Boundary

GOODWICK




Legend
 Town Centre Boundary

NEWPORT



Legend
 Town Centre Boundary

NEYLAND



Legend
 Town Centre Boundary

ST DOGMAELS



CRYMYCH

